

七十二家集

班蘭臺集序

孟堅史才追蹤龍門而贈手樞  
密長卿他文亦數兩司馬間  
乃更出以綿密至今采被屑  
玉皆珠琳也曹掾詞人如傳  
世仲崔二子伯才俱示孫多

遜公、弟書曰：王仲下等  
不能自休，蓋以心隨之。公身  
際在文，以隨綵，自幸顧帝  
常論憲憲曰：公在班固而薄  
崔駰，是榮公之好，終然公帝  
之。公猶為未執乎抑見乎

為靈氏靈焉譬猶有石澗  
猶日瀾之以其近乎土之  
者理在根熟地焦燥自貽  
直自諍片寸情未甘以即  
終終又或見伸升策務終  
域示自覺友校癢焉庶幾  
三寸弱

翰馳驅戎馬之場豈自騁靈匹  
依靈氏也如偕千尺之梯翼在  
無虞之國不虞其隕墜也惜  
聲之不講亦孔雀羞毛過司  
寫止也班史士人有之如岱嶺  
獨班集中庶是炫然缺陷焉

因綴序散在他書本公爲五  
卷畧曰三卷卷末始也著述  
渡江出於卷中從書云是孟  
堅手寫今本存多矣蒲云  
瑜目之以獻東宮時目爲  
史是編今人得之指爲

中集部

乙丑年福祿注張燮後亦建

陽蒲寺

班蘭臺目錄

卷之一

賦

兩都賦

有序

西都賦

東都賦

明堂詩  
寶鼎詩

辟雍詩  
白雉詩

靈臺詩

卷之二

賦

幽通賦



終南山賦

覽海賦

遊居賦

竹扇賦

詩

郊祀靈芝歌

詠史

表

爲第五倫薦謝夷吾表

奏記

奏記東平王蒼

牋

與竇憲牋四首

書

與弟超書六首

卷之三

議

匈奴和親議

符命

典引 有序○  
蔡邕註

設難

答賓戲 有序

卷之四

頌

竇車騎北征頌

東巡頌 有序

南巡頌

銘

封燕然山銘

有序

高祖滹泗水亭碑銘

十八侯銘

鄧侯蕭何

將軍舞陽侯樊噲

將軍留侯張良

太尉絳侯周勃

將軍平陽侯曹參

丞相戶牖侯陳平

南宮侯張敖

衛尉曲陽侯酈商

將軍潁陽侯灌嬰

將軍汝陰侯夏侯嬰

將軍陽陵侯傅寬

將軍信武侯靳歙

丞相安國侯王陵

將軍襄平侯韓信

將軍棘津侯陳武

由成侯蠱達

御史大夫汾陰侯周昌

將軍青陽侯王吸

論

難莊論

又

連珠

擬連珠五首

文

奕旨

附錄

班固傳

宋范曄

遺事

集評

班蘭臺集卷之一

漢北地班固孟堅著

明閩漳張燮紹和纂

賦

兩都賦

有序

或曰賦者古詩之流也昔成康沒而頌聲寢王澤竭而詩不作大漢初定日不暇給至於武宣之世乃崇禮官考文章內設金馬石渠之署外與樂府協律之事以興廢繼絕潤色鴻業是以



衆庶說豫福應尤盛白麟赤鴈芝房寶鼎之歌  
薦於郊廟神雀五鳳甘露黃龍之瑞以爲年紀  
故言語侍從之臣若司馬相如虞丘壽王東方  
朔枚皋王褒劉向之屬朝夕論思日月獻納而  
公卿大臣御史大夫倪寬太常孔臧太中大夫  
董仲舒宗正劉德太子太傅蕭望之等時時間  
作或以抒下情而通諷諭或以宣上德而盡忠  
孝雍容揄揚著於後嗣抑亦雅頌之亞也故孝  
成之世論而錄之蓋奏御者千有餘篇而後大

漢之文章炳焉與三代同風且夫道有夷隆學  
有龜密因時而建德者不以遠近易則故皋陶  
歌虞舜斯頌魯同見采於孔氏列於詩書其義  
一也稽之上古則如彼考之漢室又如此斯事  
雖細然先臣之舊式國家之遺美不可闕也臣  
竊見海內清平朝廷無事京師脩宮室浚城隍  
而起苑囿以備制度西土耆老感懷怨思冀上  
之睠顧而盛稱長安舊制有陋洛邑之議故臣  
作兩都賦以極衆人之所眩曜折以今之法度

辭曰

西都賦

有西都賓問於東都主人曰蓋聞皇漢之初經  
營也嘗有意乎都河洛矣輟而弗康寔用西遷  
作我上都主人聞其故而覩其制乎主人曰未  
也願賓攄懷舊之蓄念發思古之幽情博我以  
皇道弘我以漢京賓曰唯唯漢之西都在於雍  
州寔曰長安左據函谷二嶠之阻表以太華終  
南之山右界褒斜隴首之險帶以洪河涇渭之

川衆流之隈汧湧其西華實之毛則九州之上  
腴焉防禦之阻則天地之隩區焉是故橫被六  
合三成帝畿周以龍興秦以虎視及至大漢受  
命而都之也仰悟東井之精俯協河圖之靈奉  
春建策留侯演成天人合應以發皇明乃眷西  
顧寔惟作京於是睎秦嶺戰北阜挾灃澗據龍  
首圖皇基於億載度宏規而大起肇自高而終  
平世增飾以崇麗歷十二之延祚故窮奢而極  
侈建金城之萬雉呀周池而成淵披三條之廣

路立十二之通門內則街衢洞達閭閻且千九  
市開場貨別隧分人不得顧車不得旋闕城溢  
郭旁流百廬紅塵四合煙雲相連於是旣庶且  
富娛樂無疆都人士女殊異乎五方遊士擬於  
公族列肆侈於姬姜鄉曲豪舉遊俠之雄節慕  
原嘗名亞舂陵連交合衆騁騫乎其中若乃觀  
其四郊浮遊近縣則南望杜霸北眺五陵名都  
對郭邑居相承英俊之域紱冕所興冠蓋如雲  
七相五公與乎州郡之豪傑五都之貨殖三選

七遷充奉陵邑蓋以強幹弱枝陸上都而觀萬  
國封畿之內厥土千里卓犖諸夏兼其所有其  
陽則崇山隱天幽林穹谷陸海珍藏藍田美玉  
商陸緣其隈鄠杜濱其足源泉灌注陂池交屬  
竹林果園芳草甘木郊野之富號爲近蜀其陰  
則冠以九嶷陪以甘泉乃有靈官起乎其中秦  
漢之所極觀淵雲之所頌歎於是乎存焉下有  
鄭白之沃衣食之源提封五萬疆場綺紛溝塍  
刻鏤原隰龍鱗決渠降雨荷鍾成雲五穀垂穎

桑麻鋪蔡東郊則有通溝大漕潰渭洞河泛舟  
山東控引淮湖與海通波西郊則有上囿禁苑  
林麓藪澤陂池連乎蜀漢繚以周牆四百餘里  
離宮別館三十六所神池靈沼往往而在其中  
乃有九真之麟大宛之馬黃支之犀條枝之鳥  
踰崑崙越巨海殊方異類至于三萬里其官室  
也體象乎天地經緯乎陰陽據坤靈之正位放  
太紫之圓方樹中天之華闕豐冠山之朱堂因  
瓊材而究奇抗應龍之虹梁列焚櫟以布翼荷

棟桴而高驤雕玉璫以居儼裁金壁以飾墻  
五色之渥彩光爛則以景彰於是左城右平重  
軒三階閨房周通門闔洞開列鐘虞於中庭立  
金人於端闈仍增崖而衡闕臨峻路而啓扉狗  
以離宮別寢承以崇臺閒館煥若列宿紫宮是  
環清涼宣溫神仙長年金華玉堂白虎麒麟區  
宇若茲不可殫論增盤業職登降炤爛殊形詭  
制每各異觀乘茵步輦惟所息宴後宮則有掖  
庭椒房后妃之室合歡增城安處常寧蒞若椒



風披香發越蘭林蕙草鴛鸞飛翔之列昭陽特  
盛隆於孝成屋不呈材墻不露形裒以藻繡絡  
以綸連隋侯明月錯落其間金釭銜璧是爲列  
錢翡翠火齊流耀含英懸黎垂棘夜光在焉於  
是玄墀卸砌玉階彤庭礪礪綵繖琳珉青瑩珊  
瑚碧樹周阿而生紅羅颯纒綺組繽紛精曜華  
燭俯仰如神後宮之號十有四位窈窕繁華更  
盛迭貴處乎斯列者蓋以百數左右庭中朝堂  
白寮之位蕭曹魏邴謀謨乎其上下佐命則垂統

輔翼則成化流大漢之愷悌蕩亡秦之毒螫故  
令斯人揚樂和之聲作畫一之歌功德著乎祖  
宗膏澤洽乎黎庶又有天祿石渠典籍之府命  
夫悖誨故老名儒師傅講論乎六藝稽合乎同  
異又有承明金馬著作之庭大雅宏達於茲爲  
羣元元本本碑見洽聞啓發篇章校理秘文周  
以鉤陳之位衛以嚴更之署總禮官之甲科羣  
百郡之廉孝虎賁贅衣闔尹闔寺陞戟百重各  
有典司周廬千列徼道綺錯輦路經營脩塗飛

閣自未央而連桂宮北彌明光而亘長樂陵墀  
道而超西墉擬建章而連外屬設璧門之鳳闕  
上觚稜而棲金爵內則別風嶸嶸眇麗巧而聳  
擢張千門而立萬戶順陰陽以開闔爾乃正殿  
崔巍層構厥高臨乎未央經駘盪而出馭娑洞  
栲詣以與天梁上反宇以蓋戴激日景而納光  
神明鬱其將起遂偃蹇而上躋軼雲雨於大半  
虹霓迴帶於焚楣雖輕迅與標狡猶愕眙而不  
能階攀并幹而未半日眩轉而意迷捨櫺檻而

却倚若顛墜而復稽颡恍恍以先慶巡迴途而  
下低既懲懼於登望降周流以彷徨步再道以  
縈紆又杳窅而不見陽排飛闥而上出若遊目  
於天表似無依而洋洋前唐中而後太液覽滄  
海之湯湯揚波濤於碣石激神岳之嵒嵒濫瀛  
洲與方壺蓬萊起乎中央於是靈草冬榮神木  
叢生巖峻峭崿金石崢嶸抗仙掌以承露擢雙  
立之金莖軼埃壻之混濁鮮顓氣之清英騁文  
成之不誕馳五利之所刑庶松喬之羣顓時遊

從乎斯庭實列仙之攸館非吾人之所寧爾乃  
盛娛遊之壯觀奮大武乎上囿因茲以威戎夸  
狄耀威靈而講武事命荊州使起鳥詔梁野而  
驅獸毛羣內闔飛羽上覆接翼側足集禁林而  
屯聚水衡虞人脩其營表種別羣分部曲有署  
罟網連紘籠山絡野列卒周匝星羅雲布於是  
乘鸞輿備法駕帥羣臣披飛廉入苑門遂繞鄩  
鄩歷上蘭六師發逐百獸駭殫震震爚爚雷奔  
電激草木塗地山淵反覆蹂躪其十二三乃扞

怒而少息爾乃期門飲飛列刃攢鏃要蹙追蹤  
鳥驚觸絲獸駭值鋒機不虛拑弦不再控矢不  
單殺中必疊雙颯颯紛紛矰繳相纏風毛雨血  
灑野蔽天平原赤勇士厲援狔失木豺狼懾竄  
爾乃移師趨險竝陷潛穢窮虎奔突狂兕觸蹶  
許少施巧秦成力折拑僞狡扼猛噬脫角挫脰  
徒搏獨殺挾師豹拖熊螭曳犀犛頓象羆超洞  
崕越峻崖蹶嶰巖巨石頽松栢仆叢林摧草木  
無餘禽獸殄夷於是天子登乃屬玉之館歷長楊

之榭覽山川之體勢觀三軍之殺獲原野蕭條  
目極四裔禽相鎮壓獸相枕藉然後收禽會衆  
論功賜胙陳輕騎以行包騰酒車以斟酌割鮮  
野食舉烽命爵饗賜畢勞逸齊大輅鳴鑾容與  
徘徊集乎豫章之宇臨乎昆明之池左牽牛而  
右織女似雲漢之無涯茂樹蔭蔚芳草被隄蘭  
茝發色曄曄猗猗若摛錦與布繡燭耀乎其陂  
鳥則玄鶴白鷺黃鵠鵙鵙鵙鵙鵙鵙鵙鵙鵙鵙  
朝發河海夕宿江漢沈浮往來雲集霧散於是

後宮乘輶輅登龍舟張鳳蓋建華旗祛黼帷鏡  
清流靡微風澹淡浮權女謳鼓吹震聲激越營  
厲天鳥群翔魚窺淵招白鵬下雙鵠投文竿出  
比目撫鴻罌御燬繒方舟竝驚俛仰極樂遂乃  
風舉雲播浮遊溥覽前乘秦嶺後越九嶷東薄  
河華西涉岐雍宮館所歷百有餘區行止朝夕  
儲不改供禮上下而接山川究休佑之所用采  
遊童之歡謠第從臣之嘉頌於斯之時都都相  
望邑邑相屬國藉十世之基家承百年之業士



食舊德之名氏農服先疇之猷畝商循族世之  
所嚮工用高曾之規矩粲乎隱隱各得其所若  
臣者徒觀迹於舊墟聞之乎故老十分未得其  
一端故不能徧舉也

### 東都賦

東都主人喟然而歎曰痛乎風俗之移人也子  
實秦人矜夸館室保界河山信識昭襄而知始  
皇矣烏覩大漢之云爲乎夫大漢之開元也奮  
布衣以登皇位由數耜而創萬代蓋六籍所不

能談前聖靡得而言焉當此之時攻有橫而當  
天討有逆而順民故婁敬度勢而獻其說蕭公  
權宜而拓其制時豈泰而安之哉計不得以已  
也吾子曾不是睹顧曜後嗣之永造不亦暗乎  
今將語子以建武之治永平之事監于太清以  
變子之惑志往者王莽作逆漢祚中缺天人致  
誅六合相滅于時之亂生民幾亡鬼神泯絕罄  
無完軀郭罔遺室原野厭人之肉川谷流人之  
血秦項之災猶不克半書契以來未之或紀故

下人號而上訴上帝懷而降監乃致命乎聖皇  
於是聖皇乃握乾符闡坤珍披皇圖稽帝文赫  
然發憤應若興雲霆擊昆陽憑怒雷震遂超大  
河跨北嶽立號高邑建都河洛紹百王之荒屯  
因造化之盪滌體元立制繼天而作系唐統接  
漢緒茂育羣生恢復疆宇勳兼乎在昔事勤乎  
三五豈特方軌竝跡紛綸后辟治近古之所務  
蹈一聖之險易云爾且夫建武之元天地革命  
四海之內更造夫婦肇有父子君臣初建人倫

寔始斯乃伏羲氏之所以基皇德也分幣土立  
市朝作舟輿造器械斯乃軒轅氏之所以開帝  
功也龔行天罰應天順人斯乃湯武之所以昭  
王業也遷都改邑有殷宗中興之則焉卽土之  
中有周成隆平之制焉不階尺土一人之柄同  
符乎高祖克已復禮以奉終始允恭乎孝文憲  
章稽古封岱勒成儀炳乎世宗按六經而校德  
耿古昔而論功仁聖之事旣該而帝王之道備  
矣至於永平之際重熙而累洽盛三雍之上儀

脩袞龍之法服鋪鴻藻信景鑠揚世廟正雅樂  
神人之和允洽羣臣之序旣肅乃動大輅遵皇  
衢省方巡狩窮覽萬國之有無考聲教之所被  
散皇明以燭幽然後增周舊脩洛邑扇巍巍顯  
翼翼光漢京于諸夏總八方而爲之極是以皇  
城之內宮室光明闕庭神麗奢不可踰儉不能  
侈外則因原野以作苑颺流泉而爲沼發蘋藻  
以潛魚豐圃草以毓獸制同乎梁鄒誼合乎靈  
囿若乃順時節而蒐狩簡車徒以講武則必臨

之以王制考之以風雅歷騁廣覽驅騁嘉車攻  
采吉日禮官整儀乘輿乃出於是發鯨魚鏗華  
鐘登玉輅乘時龍鳳蓋夢麗和鑾玲瓏天官景  
從寢威盛容山靈護野屬御方神由師泛灑風  
伯清塵千乘雷起萬騎紛紜元戎竟野戈鋌彗  
雲羽旄掃霓旌旗拂天焱焱炎炎揚光飛文吐  
燭生風欽野歎山日月爲之奪明丘陵爲之搖  
震遂集乎中固陳師案屯駢部曲列校隊勒三  
軍誓將帥然後舉烽伐鼓申令三驅輕車霆激

驍騎電驚由基發射范氏施御弦不睨禽響不  
詭遇飛者不及翔走者不及去指顧倏忽獲車  
已實樂不及盤殺不盡物馬腕餘足士怒未淒  
先驅復路屬車按節於是薦三犧效五牲禮神  
祇懷百靈覲明堂臨辟雍揚緝熙宣皇風登靈  
臺考休徵俯仰乎乾坤參象乎聖躬目中夏而  
布德瞰四裔而抗稜西盪河源東澹海濬北動  
幽崖南曜朱垠殊方別區界絕而不隣自孝武  
之所不征孝宣之所未臣莫不陸訾水慄奔走

而來賓遂綏哀牢開永昌春王三朝會同漢京  
是日也天子受四海之圖籍膺萬國之貢珍內  
撫諸夏外綏百蠻爾乃盛禮興樂供帳置乎雲  
龍之庭陳百寮而贊羣后究皇儀而展帝容於  
是庭實千品旨酒萬鍾列金罍班玉觴嘉珍御  
太牢饗爾乃食舉雍徹太師奏樂陳金石布絲  
竹鐘鼓鏗鉤管絃曄煜抗五聲極六律歌九功  
舞八佾韶舞備泰古畢四夷間奏德廣所極僭  
休堯離罔不具集萬樂備百禮暨皇歡浹羣臣



醉降烟燭調元氣然後撞鐘告罷百寮遂退於  
是聖上覩萬方之歡娛又沐浴於膏澤懼其侈  
心之將萌而怠於東作乃申舊章下明詔命有  
司班憲度昭節儉示太素去後宮之麗飾捐乘  
輿之服御抑工商之淫業興農桑之盛務遂令  
海內棄末而反本背僞而歸真女脩織紉男務  
耕耘器用陶匏服尚素玄恥纖靡而不服賤奇  
麗而不珍捐金於山沈珠於淵於是百姓滌瑕  
盪穢而鏡至清形神寂寞耳目不營嗜慾之源

滅廉恥之心生莫不優游而自得玉潤而金聲  
是以四海之內學校如林庠序盈門獻酬交錯  
俎豆莘莘下舞上歌蹈德詠仁登降飫宴之禮  
旣畢因相與嗟歎玄德謹言弘說咸含和而吐  
氣頌曰盛哉乎斯世今論者但知誦虞夏之書  
詠殷周之詩講羲文之易論孔氏之春秋罕能  
精古今之清濁究漢德之所由唯子頗識舊典  
又徒馳騁乎末流溫故知新已難而知德者鮮  
矣且夫僻界西戎險阻四塞脩其防禦孰與處

乎土中平夷洞達萬方輻湊秦嶺九巖涇渭之  
川曷若四瀆五嶽帶河沂洛圖書之淵建章甘  
泉館御列仙孰與靈臺明堂統和天人太液昆  
明鳥獸之囿曷若辟雍海流道德之富游俠踰  
侈犯義侵禮孰與同履法度翼翼濟濟于徒習  
秦阿房之造天而不知京洛之有制識函谷之  
可關而不知王者之無外主人之辭未終西都  
賓矍然失容逡巡降階揅然意下捧手欲辭王  
人曰復位今將授子五篇之詩賓旣卒業乃稱

曰義哉乎斯詩義正乎揚雄事實乎相如匪唯  
主人之好學蓋乃遭遇乎斯時小子狂簡不知  
所裁既聞正道請終身而誦之其詩曰

### 明堂詩

於昭明堂明堂孔陽聖皇宗祀穆穆煌煌上帝  
宴饗五位時序誰其配之世祖光武普天率土  
各以其職猗歟緝熙允懷多福

### 辟雍詩

乃流辟雍辟雍湯湯聖皇蒞止造舟為梁皤皤

國老乃父乃兄抑抑威儀孝友光明於赫太上  
示我漢行洪化惟神永觀厥成

靈臺詩

乃經靈臺靈臺既崇帝勤時登爰考休徵三光  
宣精五行布序習習祥風祁祁甘雨百穀蓁蓁  
庶草蕃廡屢惟豐年於皇樂胥

寶鼎詩

嶽脩貢兮川效珍吐金景兮歆浮雲寶鼎見兮  
色紛緼煥其炳兮被龍文登祖廟兮享聖神昭

靈德兮彌億年

白雉詩

啓靈篇兮披瑞圖獲白雉兮效素鳥嘉祥阜兮  
集皇都發皓羽兮奮翹英容潔朗兮於淳精彰  
皇德兮侔周成永延長兮膺天慶

班蘭臺集卷之二

漢井地班固孟堅著

明閩漳張燮紹和纂

賦

幽通賦

系高頊之玄胄兮氏中葉之炳靈  
飄飆飆風而蟬蛻兮雄朔野以颺聲  
皇十紀而鴻漸兮有羽儀於上京  
巨滔天而泯夏兮考遘愍以行謠  
終保已而貽則兮里上仁之所廬  
懿前烈之純淑兮

窮與達其必濟咨孤蒙之耿耿今將圯絕而罔  
階豈余身之足殉兮違世業之可懷靖潛處以  
永思兮經日月而彌遠匪黨人之敢拾兮庶斯  
言之不玷魂恍恍與神交兮精誠發於宵寤夢  
登山而迴眺兮覲幽人之髣髴攬葛藟而授余  
兮眷峻谷曰勿墜昉昕寤而仰思兮心矇矇猶  
未察黃神邈而靡質兮儀遺識以臆對曰乘高  
而選神兮道遐通而不迷葛縣縣於樛木兮詠  
南風以爲綏蓋惴惴之臨深兮乃二雅之所祇



既訊爾以吉象兮又申之以矧戒盍孟晉以追  
羣兮辰儵忽其不再承靈訓其虛徐兮佇盤桓  
而且俟惟天地之無窮兮鮮生民之晦在紛屯  
邇與蹇連兮何歎多而知寡上聖寤而後拔兮  
豈羣黎之所禦昔衛叔之御昆兮昆爲寇而喪  
予管孌孤欲斃讎兮讎作后而成已變化故而  
相詭兮孰云預其終始雍造怨而先賞兮丁因  
惠而被戮栗取弔于出吉兮王膺慶於所蹇叛  
迴穴其若茲兮非叟頗識其倚伏單治裏而外

淵兮張脩襟而內通華中和爲庶幾兮顏與冉  
又不得溺招路以從已兮謂孔氏猶未可安恬  
恬而不葩兮卒隕身乎世禍遊聖門而靡救兮  
雖覆醢其何補固行行其必凶兮免盜亂爲賴  
道形氣發于根柢兮柯葉榮而靈茂恐魍魎之  
賁影兮羌未得其云已黎淳耀于高辛兮芋彊  
大於南汜羸取威於百儀兮姜本支乎三趾旣  
仁得其信然兮仰天路而同軌東鄰虐而殲仁  
兮王合位乎三五戎女列而喪孝兮伯徂歸於

龍虎發還師以成命兮重醉行而自耦震鱗臻  
于夏庭兮匪三正而滅姬吳羽化乎宣宮兮彌  
五辟而成災道脩長而世短兮夔冥默而不周  
胥仍物而鬼譖兮乃窮宙而達幽嫫婁姜於孺  
筮兮且筭祀于契龜宣曹興敗於下夢兮魯衛  
名謚於銘誥妣聆呱而刻石兮許相理而鞠條  
道混成而自然兮術同原而分流神先心以定  
命兮命隨行以消息幹流遷其不濟兮故遭罹  
而羸縮三藥同于一體兮雖移易而不忒洞參

差其紛錯兮斯衆兆之所惑周賈盪而貢憤兮  
齊死生與禍福抗爽言以矯情兮信畏犧而忌  
鵬所貴聖人之至論兮順天性而斷謚物有欲  
而不居兮亦有惡而不避守孔約而不貳兮乃  
轡德而無紮三仁殊於一致兮夷惠異而齊聲  
木偃息以蕃魏兮申重繭以存荆紀焚身以衛  
上兮皓順志而弗傾侯草木之區別兮苟能實  
其必榮要沒世而不朽兮乃先民之所程觀天  
網之絃覆兮實裴謚而相訓謨先聖之大猷兮

亦隣德而助信虞韶美而儀鳳兮孔忘味於千  
載素文信而底麟兮漢賓祚于異代精通靈而  
感物兮神動氣而入微養流睇而猿號兮李虎  
發而石開非精誠其焉通兮苟無實其孰信操  
末伎猶必然兮矧耽躬於道真登孔昊而上下  
兮緯羣龍之所經朝貞觀而夕化兮猶誼已而  
遺形若胤彭而偕老兮訴來哲而通情亂曰天  
造草昧立性命兮復心弘道惟賢聖兮渾元運  
物流不處兮保身遺名民之表兮舍生取諡亦

道用兮憂傷天物忝莫痛兮皓爾太素曷淪色  
兮尚越其幾淪神咸兮

終南山賦

伊彼終南歸蔽隣圉聚青宮觸紫宸欽崧鬱律  
萃于霞芬曖曖晡闇若鬼若神傍吐飛瀨上挺  
修林立泉落落密陰沉沉榮華綺季此焉恬心  
三春之季孟夏之初天氣肅清周覽八隅皇鸞  
鸞鸞警乃前驅爾其珍恠碧玉挺其阿密房溜  
其巔翔鳳哀鳴集其上清水泌流注其前彭祖  
宅以蟬蛻安期餐以延年唯至德之爲美我皇  
應福以來臻掃神壇以告誠薦珍馨以祈仙嗟

茲介福永終億年



覽海賦

余有事於淮浦覽滄海之茫茫悟仲尼之乘桴  
聊從容而遂行馳鴻瀨以漂鶩翼飛風而廻翔  
顧百川之分流煥爛燁以成章風波薄其襲襲  
邈浩浩以湯湯指日月以爲表索方瀛與壺梁  
曜金璆以爲闕次玉石而爲堂葵芝列於階路  
汨醴漸於中唐朱紫彩潤明珠夜光松喬坐於  
東序王母處於鹵箱命韓衆與岐伯講神篇而  
校靈章願結旅而自託因離世而高遊騁飛龍

之驂駕歷八極而廻周遂竦節而響應忽輕舉  
以神浮遵霓霧之掩蕩登雲塗以凌厲乘虛風  
而體景超太清以增逝麾天閤以啓路闢閭闔  
而望余通王謁於紫宮拜太乙而受符

遊居賦

夫何事於冀州聊託公以遊居歷九土而觀風  
亦哲人之所虞遂發軔於京洛臨孟津而非屬  
想尚甫之威虞號蒼兕而明誓旣中流而歎息  
美周武之知性謀人神以動作育鳥魚之瑞命  
瞻淇澳之園林善綠竹之猗猗望常山之峩峩  
登井嶽而高遊嘉孝武之乾乾親飾躬於伯姬  
建封禪於岱宗瘞玄玉於此丘徧五岳與四瀆  
觀滄海以周流鄙臣恨不及事陪後乘之下僚

今匹馬之獨征豈斯樂之足娛且休精於敝邑  
聊卒歲以須臾

竹扇賦

青青之竹形兆直妙華長竿紛寔翼沓篠叢生  
於水澤疾風時紛紛蕭颯削爲扇嬰成器美託  
御君王供時有度量異好有圖方來風辟暑致  
清涼安體定神達消息百王傳之賴功力壽考  
康寧累萬億

詩

郊祀靈芝歌

因露寢今產靈芝象三德今瑞應圖延壽命兮  
光此都配上帝兮象太微參日月兮揚光輝

詠史

三王德彌薄惟後用肉刑太倉令有罪就逮長  
安城自恨身無子困急獨乳乳小女痛父言死  
者不可生上書詣闕下思古歌雞鳴憂心摧折  
裂晨風揚激聲聖漢孝文帝惻然感至情百男

何憤憤不如一緹縈

表

爲第五倫薦謝夷吾表

臣聞堯登稷契治隆太平舜用臯陶政致雍熙  
殷周雖有高宗昌發之君猶賴傳說呂望之策  
故能克崇其業允協大中竊見鉅鹿太守曾稽  
謝夷吾出自東州厥土塗泥而英資挺特竒偉  
秀出才兼四科行包九德仁足濟時知周萬物  
加以少鷹儒雅韜含六籍推考星度綜校圖祿  
探賸聖秘觀變歷徵占天知地與神合契據其



道德以經王務昔爲陪隸與臣從事奮忠義之  
操躬史魚之節董臣嚴綱勗臣懦弱得以免戾  
寔賴厥勳及其應選作宰惠敷百里降福彌異  
流化若神爰牧荊州威行邦國奉法作政有周  
召之風居儉履約紹公儀之操尋功簡能爲外  
臺之表聽聲察實爲九伯之冠遷守鉅鹿政合  
時雍德量績謀有伊呂管晏之任闡弘道與同  
史蘇京房之倫雖密勿在公而身出心隱不殉  
名以求譽不馳驚以要寵念存遜遁演志箕山

方之古賢實有倫序擇之漢今起無絕俗誠祚  
稷之元龜大漢之棟甍安宜授機要登監司上  
令三辰順軌於歷象下使五品咸訓於嘉時必  
致休徵克昌之慶非徒循法奉職而已臣以頑  
駑器非其疇尸祿負乘夕惕若厲願乞骸骨更  
授夷吾上以光七曜之明下以厭率土之望庶  
令微臣塞咎免悔

奏記

奏記東平王蒼

將軍以周召之德立乎本朝承休明之策建威  
靈之號昔在周公今也將軍詩書所載未有三  
此者也傳曰必有非常之人然後有非常之事  
有非常之事然後有非常之功固幸得生於清  
明之世豫在視聽之末私以螻螻竊觀國政誠  
美將軍擁千載之任躡先聖之蹤體弘懿之姿  
據高明之執博貫庶事服膺六藝白黑簡心求

善無厭採擇狂夫之言不逆負薪之議竊見幕府新開廣延群俊四方之士顛倒衣裳將軍宏詳唐殷之舉察伊臯之薦令遠近無偏幽隱必達期於總攬賢才收集明智爲國得人以寧本朝則將軍養志和神優游廟堂光名宣於當世邇烈著於無窮竊見故司空掾桓梁宿儒盛名冠德州里七十從心行不踰矩蓋清廟之光輝當世之俊彥也京兆祭酒晉馮結髮脩身白首無違好古樂道玄默自守古人之美行時俗所

莫及扶風掾李育經明行著教授百人客居杜陵茅室土階京兆扶風二郡更請徒以家貧數辭病去溫故知新論議通明廉清脩潔行能純備雖前世名儒國家所器韋平孔翟無以加焉宏令考績以叅萬事京兆督郵郭基孝行著於州里經學稱於師門政務之績有絕異之效如得及明時秉事下條進有羽翮奮翔之用退有杞梁一介之死涼州從事王雍窮卞嚴之節文之以術藝涼州冠蓋未有宏先雍者也古周公

一舉則三方怨口奚爲而後已空及府闕以慰  
遠方弘農功曹史殷肅達學洽聞才能絕倫誦  
詩三百奉使專對此六子者皆有殊行絕才德  
隆當世如蒙徵納以輔高明此山梁之秋夫子  
所爲歎也昔卞和獻寶以離斷趾靈均納忠終  
於沈身而和氏之璧千載垂光屈子之篇萬世  
歸善願將軍隆照微之明信日旻之聽少屈威  
神咨嗟下問令塵埃之中永無荆山汨羅之恨

牋

與竇憲牋

今月中舍以令賜固刀把曰此大將軍少小時  
所服今賜固伏念大恩且喜且慙

又

將軍哀憐賜以玉躬所喜駭犀玳瑁簪絳單衣  
以魯縞之質被服鸞鳳之彩飾

又

將軍哀憐賜固手迹告以中軍宏鮮明乃賜以

璚瑀簪絳紗單衣

又

固於張掖縣受賜虎頭繡毼囊一雙



書

與弟超書

傅武仲以能屬文爲蘭臺令史下筆不能自休

又

得伯章書藁勢殊工知識讀之莫不歎息實亦  
藝由已立名自人成

又

竇侍中遺仲升楚騰陵錯橫刀瑛阜削一枚金  
錯半垂刀一枚

又

竇侍中令載雜綵七百疋市月氏馬蘇合香

又

竇侍中前寄人錢八十萬市得雜罽十餘張也

又

月支氍毹大小相雜但細好而已